

Служба о́бщая
испове́днику Росси́йскому XX ве́ка
еди́ному

ВЕ́ ЧЕР

На Го́споди, воззва́х: стихи́ры, глас 1.

Подо́бен: Прехва́льнии му́ченицы:

Прехва́льне испове́дниче и́ мярек, / ты во дни гоне́ний на
Це́рковь Росси́йскую / не убоя́лся еси́ мучи́телей
безбо́жных / и, ве́ру Христо́ву испове́дав, / страда́ния
претерпе́л еси́, / свиде́тельства же ра́ди и́стины / благода́тию
Бо́жиею храни́м был еси́ / и в ми́ре почи́л еси́. / Те́мже
ны́не, наслажда́ясь ра́дости Небе́сняя, // моли́ спасти́ся
душа́ мна́шим.

Испове́дниче и́ мярек до́брий, / ты в годи́ну безбо́жия во
оте́честве на́шем, / я́ко и́стинный во́ин Христо́в, / любо́вию
к Бо́гу распала́ем, / ве́ру правосла́вную испове́дал еси́ / и,
у́зы темни́чныя и рабо́ты го́ркия / в сла́дость духо́вную
восприе́м, / во упова́нии тверд пребы́л еси́. / Те́мже ны́не,
наслажда́ясь ра́дости Небе́сняя, // моли́ спасти́ся душа́ мна́шим.

Испове́дниче му́дре и́ мярек, / ты, во дни испыта́ния ве́ры в
земли́ на́шей / Христо́у с любо́вию после́дуя, / страда́нием
во́льным и испове́данием тве́рдым / о́браз ве́рным
показа́лся еси́ / и, немощны́я в ве́ре укрепи́в, / утеше́ние
лю́дем правосла́вным / учи́тель благоче́стия яви́лся еси́. /
Те́мже ны́не, наслажда́ясь ра́дости Небе́сняя, // моли́
спастися душа́ мна́шим.

Сла́ва, глас 8:

Испове́дниче сла́вне и́ мярек, / ты на Бо́га все упова́ние
возложи́л еси́ / и Той ты просла́ви во Ца́рствии Небе́снем, /
иде́же со сро́дники на́шими, / новому́ченики и испове́дники
Росси́йскими, / ве́рою, наде́ждею и любо́вию Ему́
угоди́вшими, / прославля́еши Отца́, и Сы́на, и Свята́го
Ду́ха, // Тро́ицу Единосущную и Неразде́льную.

И ны́не, Богоро́дичен: Ца́рь Небе́сный:

Вход. Проки́мен дне. Чте́ния три преподо́бническая.

На стихо́вне стихи́ры, глас 4.

Подо́бен: Я́ко до́бля:

Я́ко благи́й раб и ве́рный, / вве́ренный ти тала́нт
благоче́стия / испове́данием Христа́ преумно́жил еси́, /
те́мже в ра́дость Го́спода вшел еси́ / и, ве́лие дерзнове́ние от
Него́ восприе́м, / мо́лишися о земли́ на́шей // и о ве́роу
чту́щих па́мять твою́.

Стих: Бог мой еси́ Ты, // и испове́мся Тебе́.

Егда́ прииде́ Госпо́дь испытати лю́ди Своя́, / блаже́нна ты
раба́ и бдя́ща обре́те, / испове́дниче и́ мярек всече́стне, / не
ктому́ раба́, но дру́га нарече́ тя, / и, я́ко ве́рнаго стра́жа

до́ му Своего́ / над мно́ гими́ ты поста́ ви // и дарова́
моли́ твенника́ те́ пла о душа́ х на́ ших.

Стих: Отве́ рзите мне́ врата́ пра́ вды, // вше́д в ня, испове́ мя
Го́ сподеви.

Помина́ я сло́ во Госпо́ дне: / несть раб бо́ лий го́ спода своего́ ,/
а́ ще Мене́ изгна́ ша и вас иждену́ т, / гоне́ ния и страда́ ния за
Христа́ любви́ ра́ ди претерпе́ л еси́ . / Те́ мже, блаже́ нства
изгна́ нных пра́ вды ра́ ди сподо́ бився, / любви́ соверше́ нных
дости́ гл еси́ , // испове́ днице до́ блий и́ мярек.

Сла́ ва, глас 6:

Прииди́ те, вси ве́ рнии, / досто́ йно воспой́ м и́ мярек
сла́ внаго, / сей бо, по́ двиг страда́ ния и испове́ дничества
соверши́ в / и последи́ благоче́ стно пожи́ в, / Бо́ гу в ми́ ре
ду́ шу пре́ дал еси́ / и от су́ щих zde к ве́ чным жили́ щем
преста́ вился еси́ , // иде́ же мо́ лится о душа́ х на́ ших.

И ны́ не, Богоро́ дичен: Творе́ ц и Изба́ витель:

Тропа́ рь, глас 4:

Страда́ ния за Христа́ претерпе́ в, / ве́ ру Правосла́ вную
сохрани́ л еси́ / и, терпе́ нием гони́ тели́ Це́ ркви Ру́ сския
посрами́ в, / благоче́ стно в зако́ не Госпо́ дни пожи́ л еси́ , /
испове́ днице сла́ вна и́ мярек, / престо́ лу Бо́ жию предстоя́ , //
моли́ спасти́ ся душа́ м на́ шим.

НАУ́ ТРЕНИ

На Бог Госпо́ дь: тропа́ рь то́ йже.

По 1-м стихосло́ вию седа́ лен, глас 4:

К Бо́ гу Вы́ шнему воззва́ л еси́ , / испове́ днице досточу́ дне
и́ мярек: / поми́ луй мя, Го́ споди, / я́ ко врази́ нечести́ вию
попра́ ша мя, / и изба́ ви ду́ шу мою́ от сме́ рти, / о́ чи от слез и
но́ зе от поползнове́ ния, / да благоугожду́ пред Тобо́ ю во све́ те
живы́ х.

Сла́ ва, и ны́ не, Богоро́ дичен:

Стена́ непобеди́ мая лю́ дем правосла́ вным еси́ , Богоро́ дице
Де́ во, / к Тебе́ бо притека́ юще, невреди́ ми пребыва́ ем, / и
па́ ки согреша́ юще, и́ мамы Тя Моли́ твенницу. / Тем,
благодаря́ ще, вопие́ м Ти: / Ра́ дуйся, Благода́ тная, Госпо́ дь с
Тобо́ ю.

По 2-м стихосло́ вию седа́ лен, глас 4:

Егда́ непра́ веднии оболга́ ша́ тя и кня́ зи лю́ дстии ра́ нам
жесто́ ким преда́ ша, / ты, испове́ днице и́ мярек, на Бо́ га
упова́ я, моли́ лся еси́ : / Го́ споди, Го́ споди, кто подо́ бен
Тебе́ , / испове́ мя Тебе́ в се́ рдце мое́ м, / и язы́ к мой
поучи́ тся пра́ вде Твое́ й, весь день хвале́ Твое́ й.

Сла́ ва, и ны́ не, Богоро́ дичен:

О Всепе́ тая Богоро́ дице Влады́ чице, му́ чеников испове́ дание
и ве́ нче, / А́ нгелы сла́ вимая и челове́ ки воспева́ емая, / и
всего́ ми ра́ возжеле́ нная Помо́ щнице, / изба́ ви Це́ рковь
Ру́ сскую́ вся́ каго обстоя́ ния, / Еди́ на Благосло́ вная.

Велича́ ние:

Велича́ем тя, / испове́днице святы́й и́мярек, / и чтим святу́ю па́мять твою́, / ты бо мо́лиши за нас // Христа́ Бо́га на́шего. Псалом избра́нный:

1-й лик: Испове́мся Тебе́, Го́споди, всем се́рдцем мои́м о ми́лости Твоей и и́стине Твое́й.

2-й лик: Госпо́дь Помо́щник мой, на Него́ упова́ се́рдце мое́, и испове́мся Ему́.

1-й лик: Глаго́лах о свиде́ниях Твои́х пред ца́ри и не стыдя́хся.

2-й лик: Испове́мся и́мени Твоему́, Го́споди, я́ко бла́го, я́ко от вся́кия печа́ли изба́вил мя еси́.

1-й лик: На Бо́га упова́х, не убою́ся, что сотвори́т мне челове́к.

2-й лик: Изведи́ из темни́цы ду́шу мою́ испове́даться и́мени Твоему́.

1-й лик: Поноше́ния понося́щих Ти нападо́ша на мя.

2-й лик: От бездн земли́ па́ки возве́л мя еси́, и́бо аз испове́мся Тебе́ в лю́дех, Го́споди.

1-й лик: Весели́тесь, пра́веднии, о Го́споде и испове́дайте па́мять святы́ни Его́.

2-й лик: Да испове́дятся Тебе́, Го́споди, вся дела́ Твоя́.

По полиеле́ и седа́лен, глас 4:

Бо́га ре́вностне испове́дую, сла́вне и́мярек, / страда́ния от безбо́жных нивочто́же вмени́л еси́, / те́мже дарова́ся ти благода́ть да́же до конца́ благоче́стне пожи́ти. / Ны́не же, во Ца́рствии Бо́жии наслажда́йся жи́зни ве́чныя, / моли́ спасти́ся ду́ша́м на́шим.

Сла́ва, и ны́не, Богоро́дичен:

Недви́жимое утвержде́ние ве́ры / и спасе́ние ду́ш на́ших, / Богоро́дицу пе́сньми велича́им, ве́рнии: / ра́дуйся, Правосла́вия Огражде́ние, / ра́дуйся, земли́ Ру́сския Покро́ве, / ра́дуйся, Неве́сто Неве́стная.

Степе́нна, 1-й антифо́н 4-го гла́са. Проки́мен, глас 4: Бог мой еси́ Ты, // и испове́мся Тебе́. Стих: Испове́мся Тебе́, я́ко услы́шал мя еси́, и был еси́ мне во спасе́ние. Вся́ кое дыха́ние: Ева́нгелие от Луки́, зача́ло 64.

По 50-м псалме́ стихи́ра, глас 6:

Егда́ в го́нении боле́знии сме́ртныя одержа́ша тя, / испове́днице Христо́в и́мярек, / ве́ры правосла́вныя не отступи́л еси́ / и Бо́га ре́вностне прославля́л еси́, / И́же и воздаде́ ти ве́нец пра́вды, // я́ко побо́рнику необори́му. Ка́но́н, его́же краегране́сие кроме́ Богоро́дичновосми́пе́сен:

Кре́пость моя́ и пе́ние мое́ Госпо́дь. Глас 5.

Песнь 1

Ирмо́с: Коня́ и вса́дника в мо́ре Чермно́е, / сокруша́й бра́ни, мы́щцею высо́кою / Христо́с истрясе́, Изра́иля же спасе́, // побе́дную песнь пою́ща.

Кре́ стною си́ лою укрепля́ ем, / изгна́ ния многоле́ тняя
претерпе́ л еси́ , / глад и хлад, я́ ко дар Бо́ жий восприе́ м. /
Те́ мже, и мярек, испове́ дник сла́ вный яви́ лся еси́ .
Ру́ сския Це́ ркви сын ве́ рный быв, / поруга́ ния, насмея́ ния и
лжесвиде́ тельства испыта́ л еси́ / и безбо́ жники сло́ вом
безмо́ лвным обличи́ л еси́ , / страда́ льче изря́ дный и мярек.
Во испове́ дание и́ стины, я́ ко в броню́ кре́ пкую, обле́ кся
еси́ , и мярек, / и, во́ ин Христо́ в непобеди́ мый я вля́ ся, /
сло́ вом, я́ ко мече́ м обоюдоо́ стрым, враги́ Бо́ жия посрами́ л
еси́ .

Богоро́ дичен: Разреши́ ся кля́ тва, печа́ ль преста́ , /
Благослове́ нная бо и Благода́ тная Отрокови́ ца ве́ рным
Ра́ дость поро́ ди, / Христа́ Бо́ га на́ шего.

Песнь 3

Ирмо́ с: Водрузи́ вый на ничесо́ мже зе́ млю повеле́ нием
Твоим / и пове́ сивый неодо́ ржи мо́ тяготе́ ющую, / на
недви́ жимем, Христе, ка́ мени за поведе́ й Твои́ х // Це́ рковь
Твою́ утверди́ , Еди́ не Бла́ же и Человеколю́ бче.

Пра́ ведных ду́ ши в руце́ Бо́ жией, / и не прико́ снется их
му́ ка: / си́ ми словесы́ укрепля́ емь, и мярек крепкоду́ шне, /
теле́ сная страда́ ния му́ жественне претерпе́ л еси́ / и о́ браз
испове́ дания ве́ ры сыново́ м ру́ сским яви́ л еси́ .

Огради́ вся си́ лою кре́ стною, и мярек, / страда́ ния и изгна́ ния
от безбо́ жных претерпе́ л еси́ / и, ве́ ру непоро́ чно сохрани́ в, /
в ми́ ре благоче́ стне пожи́ л еси́ . / Сего ра́ ди и вене́ ц пра́ вды
от Христа́ Подвигополо́ жника прия́ л еси́ .

Смути́ ся земля́ Ру́ сская, / я́ ко опустоши́ ю́ беззако́ ние
ве́ лие, / ты же, и мярек великоимени́ те, по́ движи
испове́ дничества благоуха́ я, / я́ ко крин се́ льный посреде́
пусты́ ни, процве́ л еси́ .

Богоро́ дичен: И́ же от Отца́ пре́ жде всех век ро́ жде́ на, / Ты,
Ма́ ти Бо́ жия, неискусому́ жно роди́ ла еси́ . / Те́ мже Тя́ вси,
Богоро́ дицу правосла́ вно испове́ дуем.

Седа́ лен, глас 3:

Ненави́ дящая Го́ спода посрами́ л еси́ , / и́ же хотя́ ху́ тя,
испове́ днице и мярек, Христа́ отлучи́ ти и сме́ рти преда́ ти. /
Ты же, к Бо́ гу ум твой впе́ ри в, / я́ ко птица, се́ ти ловя́ щих
изба́ вился еси́ / и в кро́ вы Небе́ сных возлете́ л еси́ , / иде́ же, в
ли́ це новому́ чеников и испове́ дников Росси́ йских пребыва́ я, /
мо́ лишися о спа́ сении ду́ ш на́ ших.

Сла́ ва, и ны́ не, Богоро́ дичен:

Ки́ йждо иде́ же подвиза́ ется, усе́ рдно к Тебе́́ притека́ ет,
Богоро́ дице, / несть бо ино́ го Прибе́ жища, спаса́ ющаго ду́ ши
на́ ша, я́ ко Ты, Всепе́ тая.

Песнь 4

Ирмо́ с: Боже́ ственное Твое́́ разуме́ в истоща́ ние / прозорли́ во
Авваку́ м, Христе, со тре́ петом вопия́ ше Тебе́́ : / во спасе́ ние
люде́ й Твои́ х // спасти́ по́ ма за́ нныя Твоя́́ прише́ л еси́ .

Терпе́нием воору́жи́ вся, поте́кл еси́ на предлежа́щий ти
по́двиг, испове́дниче и мярек, / и, преще́ния мучи́телей не
убоя́вся, / непоколеби́м пребы́л еси́, егда́ смути́ся Ру́сская
земля́.

Мал бе́ в бра́тии твоёй, я́коже и Дави́д в ро́де своём, / оба́че
избра́тя Госпо́дь, испове́дниче и мярек сла́вне, со все́ми
му́ченики / отъя́ти поноше́ние сыно́в Це́ркве Ру́сския.
Обле́кся еси́ пе́рвее в све́тлыя оде́жды Креще́ния, / та́же в
по́двиге испове́дания ты́я убели́л еси́, свя́те. / Те́мже, вшед
в черто́г Небе́сный, / зри́ши Лице́ Све́та Непристу́пнаго.
Богоро́дичен: Невмести́маго во чре́ве прие́мши, / без боле́зни
родила́ еси́, Всенепоро́чная Ма́ти, / и по рождестве́ Де́ва
Нетле́нна пребы́ла еси́.

Песнь 5

Ирмо́с: Оде́йся Све́том, я́ко ри́зую, / к Тебе́ у́треннюю и
Тебе́ зову́: / ду́шу мою́ просвети́ омраче́нную, Христо́е, //
я́ко Еди́н Благоутро́бен.

Я́ко сын дне, во све́те заповедей Христо́вых ходил еси́, свя́те
и мярек, / и ду́шу твою́ по́двигом испове́дания освяти́л еси́, /
ны́ не же по́чести по́дстоя́нию от земны́х прие́млещи.

Изведе́тя на по́двиг Госпо́дь, / егда́ лю́ди росси́йстии
отступи́ша Це́ркве Христо́вы, / и мже я́ко свети́льник ве́ры
яви́лся еси́, / темни́цы смра́дныя и рабо́ты лю́тыя
претерпе́вая.

Пре́жде да́же не приити́ дню́ Госпо́дню вели́кому и
стра́шному, / но́щь безбо́жия ду́хом бо́дренным просвеща́л
еси́, / дни́ лука́выя испове́данием Христо́вым изоблича́я.
Богоро́дичен: Пра́вду и Избавле́ние нам ро́ждши, Христа́, без
се́ мене, / естество́ пра́отца от кля́твы свободи́ла еси́,
Богоро́дице.

Песнь 6

Ирмо́с: Неи́стовствующееся бу́рею душетле́нною, / Влады́ко
Христо́е, страсте́й мо́ре укроти́ / и от тли́ возведи́ мя, // я́ко
Благоутро́бен.

Егда́ бу́ря гоне́ний Це́рковь Ру́сскую одержа́ше, / ты,
и мярек блаже́нне, утвержде́ние и по́мощь от Го́спода
прие́м, / во́лны многомяте́жныя му́жественне преше́л еси́.
Не уразуме́ша безбо́жнии мучи́тели, / ка́ко за Христа́
стра́ждещи, и мярек, / и в по́двиге твоём Го́спода
испове́дуеши. / Сего́ ра́ди и осуди́шася.

Испол́нился на тебе́ глаго́л Христо́в: а́ще Мене́ изгна́ша и
вас иждену́т. / Те́мже, угото́вав ду́шу твою́ во искуше́ние, /
мно́гая страда́ния, поноше́ния и ско́рби претерпе́л еси́.

Богоро́дичен: Испол́нился на Тебе́ проро́чество Симео́ново / и
ору́жие про́йде ду́шу Твою́, / те́мже му́чеником и
испове́дником Стена́ Неруши́мая и По́мощь при́сно
быва́еши, Богома́ти.

Конда́к, глас 2:

Я́ ко звезда́ но́ вая Це́ ркви Ру́ сския яви́ лся еси́ ,/
терпеливоду́ шне и мяре́к испове́ дниче, / Христа́ Бо́ га
прославля́ я / и в но́щи безбо́ жия путь ве́ рным укажу́ я. /
Те́ же мо́ лим тя: / моли́ нам, сро́ дником твои́ м, / в ве́ ре
Правосла́ вней утверди́ тися // и спасти́ ся душа́ м на́ шим.
И́ кос:

Даждь ми сло́ во, Сло́ ве Бо́ жий, / по досто́ янию восхвали́ ти
по́ дви́ ги до́ бляго и́ мяре́к, / но́ ваго испове́ дника, в земли́
Росси́ йстей возсия́ вшаго, / в страда́ ниих терпели́ ваго и в
благоче́ стии кро́ ткаго, / Небе́ сным лико́ м сопричте́ ннаго, /
иде́ же ны́ не Триеди́ наго Бо́ га воспева́ ет и мо́ лит
непреста́ нно / нам, сро́ дником его́ , / в ве́ ре Правосла́ вней
утверди́ тися / и спасти́ ся душа́ м на́ шим.

Песнь 7

Ирмо́ с: Превозноси́ мый отце́ в Госпо́ дь / пла́мень угаси́ ,
о́ троки ороси́ , / согла́ сно пою́ щия: // Бо́ же, благослове́ н еси́ .
Егда́ посети́ Госпо́ дь зе́ млю Ру́ сскую мно́ гими испыта́ нии
грех ра́ ди на́ ших, / тогда́ яви́ л еси́ тве́ рдость в по́ двизе
твое́ м, и мяре́к сла́ вие, / испове́ данием ве́ ры Христо́ вой
пла́мень безбо́ жия угаша́ я.

Му́ жеством и кре́ постию́ ду́ шу твою́ украси́ в, / ве́ рность
Христу́ в житии́ твоё́ м сохранил еси́ / и, мно́ гия ско́ рби
претерпе́ в, ве́ чнаго поко́ я дости́ гл еси́ , / иде́ же
прославля́ еши Бо́ га оте́ ц на́ ших.

Отложи́ в страх муче́ ния, к по́ дви́ гу испове́ дания
му́ жественне устреми́ лся еси́ , и́ мяре́к, Христа́ еди́ наго
возжеле́ в, / Ему́ же ны́ не пое́ ши: / благослове́ н еси́ , Бо́ же
оте́ ц на́ ших.

Богоро́ дичен: Бо́ га пло́ тию роди́ ла еси́ , Всенепоро́ чная. /
Еди́ наго от Тро́ ицы, / Ему́ же вси пое́ м: / Бо́ же, благослове́ н
еси́ .

Песнь 8

Ирмо́ с: Тебе́ , Вседе́ телю, / в печи́ о́ троцы, всеми́ рный лик
спле́ тше, по́ я ху: / дела́ вся́ кая, Го́ спода по́ йте // и
превозноси́ те во́ вся ве́ ки.

Его́ же о́ троцы в печи́ испове́ даша, / Того́ и ты в пла́ мени
страда́ ний пред мучи́ тели просла́ ви, науча́ я всех взыва́ ти: / да
благослови́ т земля́ Ру́ сская Го́ спода / и превозно́ сит во́ вся
ве́ ки.

Го́ спода испове́ дайте, я́ ко Благ, / поуча́ д еси́́ псало́ мски,
му́ дре и́ мяре́к, / и Той поспеши́ т сыново́ м ру́ сским на
спасе́ ние, / Благослове́ нный во́ ве́ ки.

Отца́ , Сы́ на и Ду́ ха Свята́ го житие́ м твои́ м испове́ дал еси́ ,
страда́ льче Христо́ в, / помози́ и нам по́ дви́ гом до́ брым
подвиза́ тися, / тече́ ние жи́ зни соверши́ ти и ве́ ру непоро́ чну
сохрани́ ти.

Богоро́ дичен: Тя, Богоро́ дицу Пречи́ стую, / па́ че ума́ и словесе́ ро́ ждшую Го́ спода и при́ сно де́ вствующую, / благослови́ м и превозно́ сим во вся ве́ ки.

Песнь 9

Ирмо́ с: Иса́ ие, лику́ й, / Де́ ва име́ во чре́ ве и роди́ Сы́ на Емману́ ила, / Бо́ га же и Челове́ ка, / Восто́ ки мя Ему́ , // Его́ же велича́ юще, Де́ ву ублажа́ ем.

Сла́ ву во испыта́ ниих еди́ ному Бо́ гу возда́ л еси́ , / испове́ дниче Христо́ в приснопа́ мятне, / се́ го ра́ ди и Той тя / в ли́ це новому́ чеников и испове́ дников Росси́ йских просла́ ви.

Процвете́ Це́ рковь на́ ша новому́ ченики и испове́ дники Росси́ йскими, / не отри́ ну бо Госпо́ дь лю́ ди Своя́ . / Ты же, испове́ дниче сла́ вный и мярек, вку́ пе с ни́ ми пребыва́ я, / мо́ лиши сохрани́ тися ве́ ре Правосла́ вней в земли́ на́ шей. Ору́ жием благоволе́ ния венча́ тя Госпо́ дь, / испове́ дниче блаже́ нне и мярек, / и́ мже и нам на враги́ неви́ димыя спобо́ рствуй / и моли́ Христа́ Бо́ га сохрани́ тися ве́ ре Правосла́ вней в земли́ на́ шей.

Богоро́ дичен: С новому́ ченики и испове́ дники Росси́ йскими, Пречи́ стая, и все́ ми святы́ ми / умоли́ Еди́ наго во святы́ х Почива́ ющего / сохрани́ ти зе́ млю на́ шу, славосло́ вящую Тя во вся ве́ ки.

Свети́ лен:

Светода́ вец Христо́ с Бог наш, исхо́ ды у́ тра и ве́ чера украси́ вый, / Све́ та Невече́ рняго тя, испове́ дниче и мярек, сподо́ би. / Те́ мже, во све́ тлостех святы́ х пребыва́ я, / и нас све́ том незаходи́ мым просвети́ , / да, в ра́ дости лику́ юще, просла́ вим Свет нам Пожа́ вшаго.

Сла́ ва, и ны́ не, Богоро́ дичен:

Ди́ вно и неизрече́ но Рожде́ ство Твое́ , Богоро́ дице, / И́ мже спасла́ еси́ род челове́ ческий, / те́ мже мо́ лим Тя: / све́ том незаходи́ мым нас просвети́ , / да, в ра́ дости лику́ юще, просла́ вим Свет нам Пожа́ вшаго.

На хвали́ тех стихи́ ры, глас 6.

Подо́ бен: Все отло́ жше:

Благода́ тию свы́ ше облече́ нный, / испове́ дниче всече́ стне, и мярек, / я́ ко и́ стинный раб Христо́ в, / в ве́ ре Правосла́ вней непоколеби́ м пребы́ л еси́ / и, гони́ телей благословля́ я, глаго́ лал еси́ : / а́ ще и истя́ жете те́ ло мое́ , / ду́ шу не возмо́ жете разлучи́ ти от любве́ Бо́ жия, / я́ же о Христе́ Иису́ се Го́ спода на́ шем, / на Него́ же еди́ наго упова́ ю // и Ему́ еди́ ному возношу́ хвалу́ .

Дре́ вним испове́ дником подо́ бся, / испове́ дниче му́ жественный и мярек, / в годи́ ну гоне́ ний на Це́ рковь Ру́ сскую / се́ рдцем ве́ ровал еси́ пра́ во, / усты́ же Христа́ испове́ дал еси́ во спасе́ ние / и, ра́ ны нивочто́ же вмени́ в, / о срамоте́ поноше́ ния небре́ гл еси́ . / Те́ мже, безбо́ жных

посрами́ в мучи́ телей, / блаже́ нство в дому́ Госпо́ дни улучи́ л
еси́, // иде́ же во ве́ ки веко́ в Его́ восхваля́ еши.
Воспой м, боголюби́ вии лю́ дие, / пе́ сньми и пе́ нии
духо́ вными / святу́ ю па́ мять и мярек достохва́ льнаго, / и́ же
Правосла́ вие добропобе́ дным гла́ сом / небо́ я́ зненно пред
мучи́ тели испове́ да / и мно́ гим путь спасе́ ния показа́ . /
Те́ мже ра́ дуются ны́ не А́ нгельстии чи́ ни / и сликовству́ ют
святи́ и земли на́ шея, / с ни́ миже и испове́ дник сла́ вный //
прославля́ ет Христа́ Бо́ га на́ шего.

Сла́ ва, глас 8:

Сла́ вою и че́ стию нетле́ нною, / я́ ко подви́ жника
добропобе́ дна, / венча́ тя Христо́ с Подвигополо́ жник, /
испове́ дниче Христо́ в и мярек, / и Ца́ рствие Небе́ сное
дарова́ . / иде́ же, с собо́ ром новому́ чеников и испове́ дников
Росси́ йских / в непристу́ пнем све́ те пребыва́ я, //
прославля́ еши Тро́ ицу Живонача́ льную и Неразде́ льную.

И ны́ не, Богоро́ дичен:

Сра́ дуются с на́ ми у́ мная вся Чинонача́ лия, / духо́ вный
совоку́ плыше лик, / ви́ дяще Цари́ цу и Влады́ чицу всех, /
многиме́ нне ве́ рными сла́ виму, / ра́ дуются же и ду́ си
пра́ ведных, / су́ щии зри́ телие виде́ ния, / на возду́ се моле́ бно
простира́ ющу́ всечестне́ и Свои́ ру́ це, / прося́ щу́ умире́ ния
ми́ ру / и земли́ Ру́ сской утвержде́ ния, // и спасе́ ния душ
на́ ших.

Славосло́ вие вели́ кое и отпу́ ст.

НА ЛИТУРГИ́ И

Блаже́ нна от кано́ на, пе́ снь 3-я и 6-я.

Проки́ мен, глас 7: Испове́ мся Тебе́ , Го́ споди, // всем се́ рдцем
мой м. Стих: А́ ще пойду́ посреде́ ско́ рби, живи́ ши мя.

Апо́ стол к Ефесе́ ем, зача́ ло 233.

Аллилу́ ия, глас 2: Пра́ веднии испове́ дятся и́ мени Твоему́ , и
вселя́ тся пра́ вии с лице́ м Твои́ м. Стих: Го́ споди, Го́ споди,
Си́ ло спасе́ ния моего́ , осени́ леси́ над главо́ ю мое́ ю в день
бра́ ни.

Ева́ нгелие от Матфе́ я, зача́ ло 38.

Прича́ стен: В па́ мять ве́ чную бу́ дет пра́ ведник:

Моли́ тва

О пресла́ вный и добропобе́ дный испове́ дниче Христо́ в
и́ мярек, Це́ ркви Ру́ сския украше́ ние, земли́ на́ шея кра́ сный
пло́ де, сро́ дников твои́ х похвало́ и о́ бразе!

Ты, не убо́ я́ вся мучи́ телева преще́ ния, ве́ ру правосла́ вную
небо́ я́ зненно испове́ дал еси́ и, боле́ зни и страда́ ния
му́ жественне с любо́ вию ко Христу́ претерпе́ в, врата́ ми
пра́ вды в Небе́ сное Ца́ рство вшел еси́ . Те́ мже мо́ лим тя:
вознеси́ ны́ не те́ плую моли́ тву твою́ ко Го́ споду о Оте́ честве
на́ шем, да утверди́ т его́ в ве́ ре Правосла́ вней до сконча́ ния
ве́ ка, нас же, чту́ щих па́ мять твою́ , да укрепи́ т спаси́ тельныя
за́ поведи́ Его́́ соблюда́ ти; да изба́ вльшися от греха́ и ве́ чныя

му́ ки, вку́ пе с тобо́ ю сподо́ бимся воспева́ ти
достопокланя́ емое и́ мя Отца́ , и Сы́ на, и Свята́ го Ду́ ха, во
ве́ ки веко́ в. А́ минь.



**Служба общая исповеднику Российскому XX века
единому составлена Синодальной Богослужебной
комиссией и утверждена Святейшим Патриархом
Московским и всея Руси Алексием II и Священным
Синодом 15 апреля 2008 года.**